

## AKTIVITE POU FANMI AK MOUN K AP BAY SWEN

Septanm 2020

### Sipòte Jèn K ap Aprann Pale Anglè yo nan Poze ak Reponn Kesyon Sou yon Istwa

Laboratwa Edikasyonèl Rejyonal  
Wès, Nodwès,  
Nòdès ak Zile yo

*Soti nan Sant Nasyonal pou Evalyasyon Edikasyon nan IES*

Fanmi ak moun k ap bay swen yo, ou jwe yon wòl enpòtan nan aprann langaj pitit ou. Timoun ka ranfòse langaj yo chak jou nan poze ak reponn kesyon sou yon istwa. Nan aktivite sa a, ou pral mande pitit ou pou l pale sou sa yo li, tandè, oswa konnen sou yon istwa.

Mete nan tèt ou:

- Oumenm ak pitit ou kapab itilize lang natif natal ou oswa Anglè.
- Poze kesyon ak reponn nan lang natif natal ou pral ede pitit ou ak Anglè a tou.
- Jwi tan sa a avèk pitit ou. Aprann Ansanm se yon plezi!

## Poukisa ou dwe poze kesyon epi reponn sou yon istwa?

Poze kesyon epi reponn sou yon istwa pèmèt timoun ranfòse langaj yo.

**Objektif Aprantisaj La:** Timoun yo pral ranfòse langaj oral yo

**Klas:** Jadendanfan–3yèm ane

**Materyèl:** Yon istwa ou ta renmen pataje ak pitit ou; Papye ak kreyon koulè, kreyon oswa makè

## An nou kòmanse!

Swiv etap ki anba yo. ***Gade do istwa a pou jwenn lide ak plis sipò nan lang.***



- **Etap 1: Pataje** oswa **li** yon istwa pou pitit ou.



- **Etap 2: Poze kesyon** anvan ak apre ou li istwa a.

- Ede pitit ou “detire langaj yo.” Si pitit ou reponn kesyon ou avèk yon mo, mande li pou ajoute plis nan reponn yo. Ou ka modle sa pou yo.
- Poze kesyon sipèfisyèl ak pi gwo nivo. Kesyon sipèfisyèl yo ede pitit ou sonje sa yo li. Egzanp: *Sou kiyès oswa kisa ou pral li?* Kesyon ki gen pi gwo nivo yo ede pitit ou panse plis sou istwa ak mete lide yo ansanm. Egzanp: *Kisa nou panse ki pral rive apre?* Egzanp kesyon ak egzanp ki posib yo nan do a.



- **Etap 3: Ankouraje** pitit ou **desine oswa ekri** sou istwa a.


## Aktivite pou Fanmi ak Moun k ap bay swen: Sipòte Jèn Elèv yo nan Poze ak Reponn kesyon sou yon Istwa

### Kalite istwa pou w Li ak Pale avèk Pitit ou

- Liv ak foto ak mo
- Lejann, kont popilè, oswa kont de fe
- Ti chante ki fè timoun dòmi
- Powèm, rim, oswa dikton
- Chan
- Yon istwa prefere sou yon fanmi oswa zanmi

### Plis sipò langaj

Pitit ou ka detire oswa devlope langaj yo lè yo poze oswa reponn kesyon sou yon istwa. Konsidere itilize kesyon ak repons ki anba a pandan w ap diskite sou istwa a.



Kesyon sipèfisyèl pou w Poze Sou yon Istwa	Repons Posib yo
Kisa pati sa a ye prensipalman?	Pati sa a se sitou sou ____.
Kisa k ap pase?	Nan kòmansman/mitan/fen ____.
Kiyès ki enplike nan sa k ap pase a?	Pèsonaj yo se ____.
Ki lè ak ki kote l ap rive?	Istwa a te fèt ____.

Kesyon pi gwo nivo pou w poze sou yon Istwa	Repons Posib yo
Kisa w panse sou ____?	Mwen panse ____.
Poukisa ou panse ____ te rive?	Mwen panse ____ paske ____.
Kisa otè a ____?	Otè a ____ paske ____.
Kisa w panse ki ka rive apre?	Mwen panse ____ pral rive apre

### Defi Lang:

Timoun ka ranfòse langaj yo chak jou nan poze ak reponn kesyon sou yon istwa. Kounye a pitit ou fin **reponn kesyon yo**, ankouraje yo **poze kesyon** pou ou pou w reponn sou istwa a. Timoun ka kreye pwòp kesyon yo pou yo mande w oswa yo ka itilize kèk nan kesyon yo ki sou tablo anwo a. Poze kesyon ka pèmèt timoun yo detire langaj yo chak jou.

